



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1357/12
Sarajevo, 24.7.2013. godine

02-50-6

ly

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 21.07.2013			
Organizaciona jedinica	Klasifikaciona oznaka	Redni broj	Broj priloga
02-50-6		16-28	13

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 58. sjednici održanoj 24.7.2013. godine, utvrdilo je Odgovor na izaslaničko pitanje koje je postavila Borjana Krišto, izaslanica u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja izaslanici.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1357/13
Sarajevo, 24.7.2013. godine

BORJANA KRIŠTO, izaslanica u Domu naroda Parlamentarne skupštine Bosne i Hercegovine, na 28. sjednici ovog Doma održanoj 16.04.2013. godine, postavila je Vijeću ministara BiH, odnosno Ministarstvu sigurnosti BiH sljedeće izaslaničko pitanje koje glasi:

„Što je Ministarstvo sigurnosti BiH i Vijeće ministara uradilo po pitanju stvaranja uvjeta kako bi se donirana oprema smjestila u Agenciju i u punom kapacitetu stavila u funkciju?“

Na postavljeno pitanje, Vijeće ministara Bosne i Hercegovine je na 58. sjednici održanoj 24.07.2013. godine, utvrdilo sljedeći

ODGOVOR

Ministarstvo sigurnosti Bosne i Hercegovine na postavljeno izaslaničko pitanje daje sljedeći odgovor:

Odlukom Vijeća ministara o trajnom smještaju Agencije za forenzička ispitivanja i vještačenja BiH broj: 200/09 od 23.07.2009.godine, Agenciji je određen trajni smještaj u zgradi Državne agencije za istrage i zaštitu BiH, na lokaciji Lukavica - Općina Istočno Sarajevo, površine 1.135 kvadratnih metara. Agencija se u navedeni prostor uselila u srpnju 2010.godine i jedino ova Agencija, od četiri novoutemeljene, ima riješeno pitanje trajnog smještaja i ne izdvaja sredstva za zakup prostora.

U okviru smještajnih kapaciteta, određen je dio prostora za DNK laboratorij od 200 kvadratnih metara i isti je građevinski prilagođen za ovu namjenu, sukladno urađenim Projektom i najvišim standardima u ovoj oblasti, s tim što nisu urađeni podovi i klimatizacija. U Agenciji je također uređeno pitanje prihvatanja materijalnih dokaza u vještačenju, sve sukladno odredbama članka 95., 96., 97., 98., 99., 100., 101., i 102. Zakona o kaznenom postupku Bosne i Hercegovine („Službeni glasnik BiH“ broj 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09 i 93/09).

Agencija za forenzička ispitivanja i vještačenja BiH je planom opremanja u projekciji Proračuna za 2011.godinu isplanirala sredstva za nabavu laboratorijskog namještaja, odgovarajuće podne obloge i opreme za klimatizaciju, čijom nabavom bi se u prostoru DNK laboratorija mogla smjestiti oprema za DNK vještačenja. Obzirom da je 2011.godina prošla na privremenom financiranju, Agencija nije mogla pristupiti izvršenju kapitalnih investicija, pa je u Proračunu za 2012.godinu ponovo planirala navedena sredstva, koja nisu bila odobrena za ove namjene. Proračunskim sredstvima za 2013.godinu Agenciji je odobreno dovoljno sredstava na poziciji kapitalnih izdataka, kako bi mogla završiti planirane aktivnosti.

Prema informaciji Agencije do kraja srpnja 2013.godine DNK laboratorij će biti opremljen suvremenom opremom za ventilaciju i klimatizaciju po svim međunarodnim standardima, nakon čega će se moći instalirati oprema i pokrenuti proces akreditacije koji je obavezan.

Ministarstvo sigurnosti BiH ne može okončati proceduru preuzimanja DNK laboratorije od FMUP-a sve dok se u Agenciji u cijelosti ne izgradi i opremi prostor za smještaj DNK laboratorija sukladan međunarodnim propisima.

Obzirom da je DNK laboratorij privremeno smješten na lokaciji MUP-a Federacije BiH, te uvažavajući činjenicu da proces forenzičkih vještačenja ne može biti prekinut, ovo se pitanje može riješiti tek po ispunjavanju svih zadanih uvjeta u Agenciji za forenzička ispitivanja i vještačenja BiH. Također, Federalno ministarstvo unutarnjih poslova, odnosno Federalna uprava policije je zatražila razumijevanje, zbog vrste i obujma posla kao i uloženi vlastitih sredstava, u korištenju opreme koja je predmetom prijenosa, te se obvezala da će osigurati prijenos opreme čiji je vlasnik Ministarstvo sigurnosti Bosne i Hercegovine.

Zastupnički dom Parlamentarne skupštine BiH na svojoj 77.sjednici održanoj 12.05.2010.godine, u okviru rasprave o Zakonu o uporabi analize rezultata dezoksiribonukleinske kiseline u sudbenim postupcima u BiH, je donio Zaključak broj:01/a-50-1-15-77/10 kojim traži od Ministarstva sigurnosti BiH da u kontaktu sa Federalnom upravom policije utvrdi pravo korištenja donirane opreme i ukoliko je to država Bosna i Hercegovina osigura prijenos opreme na Agenciju za forenzička ispitivanja i vještačenja BiH.

Realizacijom navedenog zaključka doći će do gašenja forenzičkog laboratorija Federalne uprave policije koji obavlja kriminalistička vještačenja za potrebe tužiteljstava i policijskih agencija na svim razinama u BiH, te se zbog kontinuiteta i složenosti ovih vrsta vještačenja prijenos može obaviti tek kada Agencija bude u cijelosti osposobljena za ovu vrstu posla.

Odredbama članka 112. Zakona o kaznenom postupku Bosne i Hercegovine, propisano je da analizu DNK može vršiti isključivo institucija koja posjeduje potrebnu stručnost, u smislu osoblja i opreme za forenzičku DNK analizu. U Agenciji su uposlene osobe koje posjeduju potrebnu stručnost za obavljanje forenzičke DNK analize, ali prostor još uvijek nije adekvatno opremljen i stoga Agencija trenutno nije u mogućnosti preuzeti, instalirati i vršiti DNK vještačenja po iskustvima i standardima koji su neophodni za ovu vrstu vještačenja.

Nakon obavijesti Agencije da su u cijelosti ispunjeni svi zakonom i strukom neophodni uvjeti za instaliranje DNK laboratorija, Ministarstvo sigurnosti BiH će ispoštovati svoje obveze, te pokrenuti proceduru prenošenja laboratorijske opreme u Agenciju za forenzička ispitivanja i vještačenja Bosne i Hercegovine, pazeći da se ne naruši ili uspori obavljanje neophodnih kriminalističkih vještačenja u sigurnosnom sektoru.



Broj: 14-5-50-75-5/13
Datum, 23.07.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 25.07.2013

Organizaciona jedinica	Klasifikaciona oznaka	Redni broj	Broj priloga
		02-50-6-16-28/13	

BOSNA I HERCEGOVINA
- Dom naroda -
n/r delegatkinje Borjane Krišto
Trg BiH br. 1
71 000 Sarajevo

Predmet: Odgovor na delegatsko pitanje, - d o s t a v l j a s e -

Veza: Akt broj: 02-50-6-16-28/13 od 16.04.2013. godine

Poštovana,

U prilogu akta dostavljamo Vam odgovor koji je Agencija za forenzička ispitivanja i vještacenja prosljedila Ministarstvu sigurnosti Bosne i Hercegovine, a vezano za delegatsko pitanje koje ste postavili na 28. sjednici Doma naroda Parlamentarne skupštine Bosne i Hercegovine a isto glasi: „Šta je Ministarstvo sigurnosti BiH i Vijeće ministara BiH uradilo po pitanju stvaranja uvjeta kako bi se donirana oprema smjestila u Agenciju i u punom kapacitetu stavila u funkciju?“

Srdačan pozdrav,

Dostavljeno:
1. Naslovu;
2. a/a.



DIREKTOR

Ljiljana Trišić



Broj: 14-5-50-75-4/13

Datum, 06.06.2013. godine

BOSNA I HERCEGOVINA
-Ministarstvo bezbjednosti -
n/r ministra Fahrudina Radončića
Trg BiH br. 1
71 000 Sarajevo

Predmet: Odgovor na delegatsko pitanje, informacija, - d o s t a v l j a s e -

Veza: Vaš akt broj: 01-6-50-2515-1/13 od 13.05.2013. godine

Agencija za forenzička ispitivanja i vještačenja zaprimila je Vaš akt veze u prilogu kojeg je dostavljeno i delegatsko pitanje koje je delegat Borjana Krišto na 28. sjednici Doma naroda Parlamentarne skupštine Bosne i Hercegovine postavila Savjetu ministara BiH i Ministarstvu bezbjednosti BiH a isto glasi: „Šta je Ministarstvo sigurnosti BiH i Vijeće ministara BiH uradilo po pitanju stvaranja uvjeta kako bi se donirana oprema smjestila u Agenciju i u punom kapacitetu stavila u funkciju?“

U skladu sa navedenim zatražili ste da Vam dostavimo podatke vezane za naprijed pomenuto delegatsko pitanje. S tim u vezi, a kao što Vam je poznato, druga faza reforme policije u Bosni i Hercegovini zasnivala se na potrebama da se na državnom nivou iz oblasti koje nisu bile dovoljno razvijene na entitetskom nivou i nisu mogle zadovoljiti povećane potrebe policijskih agencija, sudova i tužilaštava, posebno na državnom nivou, razviju i dograde, pored ostalih i forenzički kapaciteti, a kako bi se zaokružile potrebe istražnog i dokaznog postupka. U ovoj fazi reforme formirano je sedam novih tijela, između ostalih odredbama Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine („Službeni glasnik BiH“ broj 36/08) i Agencija za forenzička ispitivanja i vještačenja (u daljem tekstu: Agencija). Odredbama člana 14. pomenutog zakona decidno su propisane nadležnosti Agencije, te između ostalih i analiza DNK, vođenje evidencije, statistika i baza podataka.

Uzevši u obzir navedeno, a kako bismo mogli postupati prema zakonom propisanim nadležnostima, u više navrata smo tražili da se problem vlasništva opreme za forenzička vještačenja koju je Evropska unija donirala početkom 2006. godine riješi. Naime, odredbama člana 4. Memoranduma o razumijevanju o nabavci opreme za forenzička vještačenja i državnu DNK bazu podataka, između ostalog, propisano je da će Ministarstvo bezbjednosti BiH biti vlasnik cjelokupne opreme za forenzička vještačenja nakon isporuke i instalacije, bez obzira na to gdje će oprema biti prvobitno instalirana, te da će DNK laboratorij biti **privremeno smješten** na lokaciji pri Federalnom ministarstvu unutrašnjih poslova FBiH, Federalnoj upravi policije.

S tim u vezi, inicirali smo da se problem vlasništva opreme za forenzička vještačenja i državnu DNK bazu podataka što prije riješi, u skladu sa stavovima iz pomenutog Memoranduma, a kako bi Agencija mogla funkcionisati u okviru zakonom propisanih nadležnosti i graditi na toj osnovi definisane kapacitete. Naime, došlo je do situacije da

donirana oprema de facto blokira nabavku nove opreme za analizu DNK, a postojeća nam nije stavljena na raspolaganje. Kod traženja sredstava za nabavku opreme za analizu DNK i državnu bazu podataka redovno nam se spočitava da postoji oprema koja je već donirana Ministarstvu bezbjednosti BiH, a **Agencija koja je jedina na nivou Bosne i Hercegovine zakonom nadležna za provođenje ove aktivnosti i vođenje evidencije, statistika i baza podataka** se nalazi u sastavu pomenutog ministarstva. Napominjemo da je donirana oprema stavljena tek krajem 2009. godine u funkciju u Federalnom ministarstvu unutrašnjih poslova, dakle nakon što je odredbama Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine („Službeni glasnik BiH“ broj 36/08 od 06.05.2008. godine) već bila formirana Agencija.

Ono što možemo da potvrdimo jeste da je Agencija spremna da prezume navedenu opremu ukoliko krajnji ishod realizacije zaključka bude završen na takav način. Naime, Odlukom Savjeta ministara BiH o trajnom smještaju Agencije broj: 200/09 od 23.07.2009. godine, Agenciji je određen trajni smještaj u zgradi u kojoj je smještena i Državna agencija za istrage i zaštitu na lokaciji opštine Istočno Novo Sarajevo, površine cca 1.135 m². Agencija se u navedeni prostor uselila u julu 2010. godine. U okviru smještajnih kapaciteta, određen je dio prostora za DNK laboratoriju od 200 m² i isti je građevinski prilagođen za ovu namjenu, a sve u skladu sa urađenim Projektom i najvišim standardima u ovoj oblasti. Agencija je konstantno u projekciji budžeta planirala sredstva za nabavku laboratorijskog namještaja i opreme za ventilaciju i klimatizaciju DNK laboratorije. S obzirom da je 2011. godina prošla na privremenom finansiranju, a u budžetu za 2012. godinu nisu bila odobrena sredstva za ove namjene tek u 2013. godini Agenciji je odobreno dovoljno sredstava na poziciji kapitalnih izdataka a kako bi se završile planirane aktivnosti.

Uzevši u obzir navedeno, DNK laboratorija će do kraja jula biti opremljena i savremenom opremom za ventilaciju i klimatizaciju, te će po svim međunarodnim standardima biti spremna za instalisanje opreme a samim tim i za proces akreditacije koji je obavezan. U Agenciji su zaposlena lica koja posjeduju potrebnu stručnost za obavljanje forenzičke DNK analize - mladi stručnjaci sa višegodišnjim iskustvom u radu sa DNK, a preuzimanjem/nabavkom neophodne opreme Agencija će biti u potpunosti osposobljena za obavljanje i ove vrste vještačenja.

Napominjemo da smo od formiranja Agencije o svemu redovno izvještavali resorno ministarstvo i tražili rješavanje ovog problema, ali nažalost Agencija nema informacije i nije obaviještena o preduzetim koracima na realizaciji zaključka Predstavničkog doma Parlamentarne skupštine BiH, pa nismo ni u mogućnosti dostaviti Vam informacije o tome šta je preduzeto od strane resornog ministarstva u ovom slučaju. Jedina informacija sa kojom raspolažemo je ona koju je predstavnik Ministarstva bezbjednosti iznio tokom održavanja Radionice „Odbrambeno – bezbjednosni sektor u BiH – godinu dana poslije“ organizovane od strane Zajedničke komisije za odbranu i bezbjednost BiH u novembru 2012. godine u Tesliću, a to je da će, čim se uslovi za preuzimanje laboratorije za DNK analizu stvore, oprema biti premještena u Agenciju.

S poštovanjem,

Dostavljeno:

1. Naslovu,
2. a/a.



DIREKTOR

Ljiljana Trišić

Ljiljana Trišić